

Cyfarwyddwr Rheoli

Partneriaeth Actif
Canolbarth y De

Pecyn Gwybodaeth i Ymgeiswyr

**CENTRAL
SOUTH ACTIVE
PARTNERSHIP**

**PARTNERIAETH
ACTIF CANOLBARTH
Y DE**



Trosolwg o Partneriaeth Actif Canolbarth y De

Mae Partneriaeth Actif Canolbarth y De (PACD) yn falch o fod yn gweithio mewn partneriaeth â Chwaraeon Cymru i ddatblygu ein partneriaeth chwaraeon ranbarthol newydd.

Mae Chwaraeon Cymru ar siwrnai i newid y tirlun chwaraeon cymunedol ledled Cymru a sut mae chwaraeon a gweithgarwch corfforol yn cael eu darparu. Y nod yw creu newid sylweddol yn y lefelau chwaraeon a gweithgarwch corfforol ymhlith pobl Cymru. Gyda'n gilydd rydym wedi ymrwmo i gael mwy o bobl i fod yn actif drwy chwaraeon a gweithgarwch corfforol, er mwyn cyflawni ein gweledigaeth:

“Creu newid sylweddol yn iechyd a lles ein cymunedau lleol ni drwy gydweithio ar draws y rhanbarth, fel ein bod gyda’n gilydd yn mynd i’r afael ag anghydraddoldeb ac yn gwella lefelau gweithgarwch.”

Bydd ein Partneriaeth yn dod â rhanddeiliaid allweddol ar draws Canolbarth y De at ei gilydd, rhanddeiliaid sy'n deall pwysigrwydd chwaraeon a gweithgarwch corfforol ac sy'n canolbwyntio ar gyflawni eu manteision.

Bydd ein Partneriaeth yn cael ei harwain gan wybodaeth a bydd yn canolbwyntio ar yr unigolyn yn ei dull o weithredu, gan ddarparu arweinyddiaeth strategol, cynllunio a chomisiynu ar lefel ranbarthol, gyda diben cyffredin yn cael ei gyflawni ar lefel leol gan sicrhau bod pawb yn cael mynediad cyfartal i chwaraeon a gweithgarwch corfforol drwy ystod o gyfleoedd sy'n diwallu eu hanghenion orau.

Rydym yn awyddus i gyflwyno ffyrdd newydd o weithio, gan fanteisio i'r eithaf ar y potensial ar gyfer dull gweithredu rhanbarthol, a hefyd creu gweledigaeth gadarn a fydd yn meithrin perthnasoedd strategol newydd gyda nifer eang o sefydliadau a phartneriaid ar draws pob diwydiant.

Wrth galon y Partneriaeth bydd Bwrdd cytbwys, cynhwysol, amrywiol a medrus a fydd yn canolbwyntio ar ein cyfeiriad strategol.

Bydd y Bwrdd yn penodi rhwng chwech a deuddeg aelod, gan adlewyrchu diddordebau'r sector chwaraeon a gweithgarwch corfforol a'r sgiliau a'r arbenigedd sydd eu hangen i gyflawni uchelgais Canolbarth y De.

**CENTRAL
SOUTH ACTIVE
PARTNERSHIP**

**PARTNERIAETH
ACTIF CANOLBARTH
Y DE**



Cardiff
Metropolitan
University

Prifysgol
Metropolitan
Caerdydd



Bwrdd Iechyd Prifysgol
Caerdydd a'r Fro
Cardiff and Vale
University Health Board



Bwrdd Iechyd Prifysgol
Cwm Taf
University Health Board



MERTHYR TYDFIL
County Borough Council
Cymor Breddeol Siro
MERTHYR TUDFUL



VALE of GLAMORGAN
BRO MORGANNWG

Ein Hamcanion Strategol



Ein Hamcanion Strategol:

Creu Cymdeithasau Actif - Normau ac Agweddau Cymdeithasol:

- Creu newid patrwm ym mhob rhan o'r gymdeithas drwy wella gwybodaeth am, a dealltwriaeth a gwerthfawrogiad o, fanteision niferus chwaraeon a gweithgarwch corfforol rheolaidd, yn unol â gallu ac ym mhob oedran.

Creu Amgylcheddau Actif – Gofod a Llefydd

- Creu a chynnal amgylcheddau sy'n hyrwyddo ac yn diogelu hawliau pawb, o bob oedran, i gael mynediad cyfartal i lefydd a gofodau diogel, yn eu dinasoedd a'u cymunedau, i gymryd rhan mewn chwaraeon a gweithgarwch corfforol rheolaidd, yn unol â gallu.

Creu Pobl Actif – Rhaglenni a Chyfleoedd:

- Creu a hyrwyddo mynediad i gyfleoedd a rhaglenni, ar draws lleoliadau niferus, i helpu pobl o bob oedran a gallu i gymryd rhan mewn chwaraeon a gweithgarwch corfforol rheolaidd fel unigolion, teuluoedd a chymunedau.

Creu Systemau Actif - Galluogwyr Llywodraethu a Pholisi


- Creu a chryfhau arweinyddiaeth, llywodraethu, partneriaethau aml-sector, y gweithlu, eiriolaeth, systemau ymchwil a gwybodaeth ar draws sectorau i gyflawni rhagoriaeth mewn cynnull adnoddau a rhoi gweithredu cydlynol rhyngwladol, cenedlaethol ac is-genedlaethol ar waith.

Ein Dull o Weithredu



Bydd PACD yn cynyddu cyfranogiad mewn chwaraeon a gweithgarwch corfforol drwy roi'r egwyddorion arweiniol hyn ar waith:

- Gwneud penderfyniadau ar sail data a gwybodaeth.
- Gweithredu gydag integriti, atebolrwydd a thryloywder.
- Blaenoriaethu baich gwaith a meysydd a all wneud y gwahaniaeth mwyaf.
- Mynd ati i hyrwyddo cydraddoldeb, amrywiaeth, cynaliadwyedd a chynhwysiant ym mhob cam gweithredu.
- Mynd i'r afael â'r heriau cymdeithasol-economaidd a gwledig sy'n wynebu'r rhai sy'n ymwneud â chwaraeon a gweithgarwch corfforol cymunedol.
- Rhoi buddiannau cyfranogwyr wrth galon y broses o wneud penderfyniadau a sicrhau dull sy'n canolbwyntio ar y cyfranogwr o weithredu.
- Mynd i'r afael ag anghydraddoldeb mewn chwaraeon a gweithgarwch corfforol, gan ddarparu ar gyfer natur amrywiol y sector i sicrhau diogelwch, lles a llesiant pawb sy'n cymryd rhan.
- Sicrhau bod safonau diogelu yn cael eu bodloni ym mhob rhan o PACD.
- Denu buddsoddiad o ffynonellau cyllid eraill.
- Sefydlu sail ar gyfer sgysiau am sut gall Aelodau PACD wella fel sefydliadau.
- Datblygu fframwaith canlyniadau gyda ffocws, sy'n mynd i'r afael ag anghenion trigolion y rhanbarth.



**CENTRAL
SOUTH ACTIVE
PARTNERSHIP**

**PARTNERIAETH
ACTIF CANOLBARTH
Y DE**

Cyfarwyddwr Rheoli

Mae hwn yn gyfle cyffrous i weithio gyda, ac ar ran, Bwrdd Partneriaeth Actif Canolbarth y De (PACD) i arwain a llywio cyfeiriad strategol y Bartneriaeth i gyflawni ei gweledigaeth a'i dyheadau.

**CENTRAL
SOUTH ACTIVE
PARTNERSHIP**

**PARTNERIAETH
ACTIF CANOLBARTH
Y DE**

Bydd gofyn i chi ymgysylltu'n strategol yn rhanbarthol ac yn genedlaethol i hyrwyddo nodau'r Bartneriaeth, rheoli gweithrediad PACD a sicrhau bod y Bartneriaeth yn parhau i fod yn addas i'r diben.

Bydd hyn yn gofyn am ddull arwain “systemau cyfan” deinamig i greu newid sylweddol mewn diwylliant a meddylfryd ar draws sefydliadau partner. Bydd angen i chi ymgysylltu â rhanddeiliaid a phartneriaid presennol a newydd, gan sbarduno arloesedd a chydweithredu a fydd yn arwain at sefydliad sy'n perfformio'n dda ac sy'n cyflawni'r weledigaeth ar gyfer PACD.

Bydd angen i'r rôl arwain o'r tu blaen a chymryd rhan ar lefel fanylach / weithredol lle bo angen er mwyn sicrhau bod y Bartneriaeth yn cael ei chefnogi'n llawn yn ystod y cyfnod sefydlu hwn, ac nad yw cyfleoedd yn cael eu colli.

Cyfrifoldebau Allweddol a Rheolaeth Llinell

Byddwch yn cefnogi'r Bwrdd i bennu strategaeth y bartneriaeth a sicrhau bod Cynllun Busnes PACD yn cael ei gyflawni. Un elfen hanfodol o'r rôl gychwynol fydd sefydlu'r Bartneriaeth yn weithredol, gan gynnwys datblygu a gweithredu systemau, prosesau, polisiau ac asedau.



Cyfarwyddwr Rheoli



Arwain y Dyfodol:

- Cydweithredu gyda'r Bwrdd i ddatblygu a chyflwyno'r Strategaeth ar gyfer PACD a sicrhau bod adrodd ac atebolrwydd clir yn eu lle.
- Rheoli'r tirlun rhanddeiliaid cymhleth gan feithrin partneriaethau ar draws y rhanbarth sy'n sbarduno arloesi, twf a newid system gyfan mewn gweithgarwch corfforol, chwaraeon, iechyd a lles.
- Sefydlu partneriaethau masnachol, nawdd a chyfleoedd incwm a hefyd codi proffil gweithgarwch corfforol a chwaraeon, iechyd a lles.
- Bod yn eiriolwr ar ran PACD, gan gynrychioli'r sefydliad mewn grwpiau strategol, gan ddylanwadu ar agendâu gwleidyddol, a sicrhau bod ymdrechion yn cyd-fynd â Deddf Llesiant Cenedlaethau'r Dyfodol a pholisïau perthnasol eraill y llywodraeth.

Cyfarwyddwr Rheoli

Arwain gydag Eraill:



- Meithrin perthnasoedd gwaith cadarn gyda Chadeirydd a Bwrdd PACD, gan ddarparu arweinyddiaeth ysbrydoledig a deinamig a hefyd meithrin diwylliant o ddysgu a datblygu parhaus.
- Datblygu a chynnal perthnasoedd effeithiol, seiliedig ar ymddiriedaeth, gyda rhanddeiliaid allweddol gan gynnwys Chwaraeon Cymru, awdurdodau lleol, CRhC, partneriaid rhanbarthol, sefydliadau masnachol a sefydliadau trydydd sector.
- Sefydlu a chadarnhau rhwydweithiau i hyrwyddo gwerth gweithgarwch corfforol a chwaraeon yng nghymuned Canolbarth y De ac ymgorffori negeseuon allweddol i sbarduno cyfranogiad lleol a chanlyniadau lleol gwell sy'n cyd-fynd â gweledigaeth PACD.

**CENTRAL
SOUTH ACTIVE
PARTNERSHIP**

**PARTNERIAETH
ACTIF CANOLBARTH
Y DE**



Cyfarwyddwr Rheoli



**CENTRAL
SOUTH ACTIVE
PARTNERSHIP**

**PARTNERIAETH
ACTIF CANOLBARTH
Y DE**

Arwain ar gyfer Canlyniadau

- Arwain ar weithredu Strategaeth PACD gan sicrhau bod systemau rheoli perfformiad effeithiol yn eu lle i adrodd yn rheolaidd ar gynnydd i'r Bwrdd a phartneriaid cyllido.
- Rheoli adnoddau PACD yn effeithlon, goruchwyllo rheolaeth ariannol gadarn a datblygu ffrydiau incwm amrywiol i ddiogelu cynaliadwyedd tymor hir y sefydliad.
- Sicrhau bod PACD yn cadw at yr holl ofynion rheoleiddio, gan gynnwys iechyd a diogelwch, diogelu, cydraddoldeb, amrywiaeth a rheoliadau ariannol, gan gefnogi'r Bwrdd i fodloni safonau llywodraethu a chyfreithiol.
- Nodi, datblygu a chofnodi data fel sail i benderfyniadau sy'n cael effaith leol berthnasol.
- Meithrin diwylliant o welliant parhaus, a hefyd ymgorffori cydraddoldeb, amrywiaeth a'r Gymraeg yn egwyddorion ac arferion y sefydliad.

Arwain fy Hunan:

- Dangos didwylledd, tegwch a gwerthoedd cadarnhaol i ddylanwadu'n gadarnhaol ar eraill.
- Meithrin ymddiriedaeth gyda thimau a phartneriaid ac ymrwymo i ddatblygiad personol parhaus a gwelliant parhaus drwy gofleidio heriau a cheisio adborth rheolaidd.

Manyleb y Person

Meini Prawf Hanfodol:

- Tystiolaeth sylweddol neu brofiad clir ac effeithiol mewn swydd arwain.
- Tystiolaeth sylweddol o arwain a gweithredu gweledigaeth a strategaeth.
- Tystiolaeth sylweddol o waith partneriaeth llwyddiannus sydd wedi cyflawni amcanion yr holl bartneriaid.
- Profiad sylweddol o gynllunio busnes, rheolaeth ariannol, cyllidebu a gweithredu prosiectau'n llwyddiannus.
- Profiad clir o reoli prosiectau cymhleth yn llwyddiannus a gweithredu newid ar lefel sefydliadol.
- Tystiolaeth sylweddol o wneud penderfyniadau ar sail data sydd wedi arwain at wella gwasanaethau.
- Profiad o roi strategaethau cydraddoldeb ac amrywiaeth effeithiol ar waith.
- Tystiolaeth o ddatblygiad proffesiynol parhaus perthnasol.
- Profiad sylweddol o gyflawni newid yn gyflym.
- Gwerthoedd personol sy'n cyd-fynd â CSAP a sefydliadau partner.

Meini Prawf Dymunol:

- Y gallu i gyfathrebu yn y Gymraeg.



Gwybodaeth Bellach a'r Broses Recriwtio



CENTRAL
SOUTH ACTIVE
PARTNERSHIP

PARTNERIAETH
ACTIF CANOLBARTH
Y DE

Tâl:

Bydd y Cyfarwyddwr Rheoli yn derbyn taliad o £70,000 i £80,000 y flwyddyn (ynghyd â phhecyn pensiwn). Bydd yr holl gostau ychwanegol a rhesymol sy'n codi wrth iddo gyflawni ei ddyletswyddau'n cael eu had-dalu yn unol â Pholisi Cyllid a Gweinyddu PACD.

Oriau:

Llawr amser, oriau gwaith hyblyg o fewn cyfnodau craidd. Mae disgwyl efallai y bydd angen i'r Cyfarwyddwr Rhanbarthol fynychu digwyddiadau / cyfarfodydd y tu allan i gyfnodau craidd.

Lleoliad:

Gweithio o bell, hyblyg gyda disgwyl y bydd angen ymgysylltu'n rheolaidd â phartneriaid ar draws y rhanbarth.

Sut i Ymgeisio

Dyddiad Cau ar gyfer Ymgeisio: **Dydd Gwener 21ain Chwefror 2025**

Cyfweliadau: **Dydd Iau 27ain Mawrth 2025**

Os ydych chi'n feddyliwr strategol gydag ymrwymiad llwyr i wella iechyd, lles a hapusrwydd pobl yng Nghanolbarth y De drwy gyfranogiad actif gydol oes mewn chwaraeon a hamdden corfforol a rhagoriaeth arweinyddiaeth, byddem wrth ein bodd yn clywed gennych chi.

Fel rhan o'ch cais, cyflwynwch y canlynol os gwelwch yn dda:

- Eich **CV cyfredol** yn manylu ar eich profiad proffesiynol, cefndir addysgol ac unrhyw wybodaeth berthnasol arall sy'n cefnogi eich cais.
- **Llythyr cais** (2 dudalen A4), yn tynnu sylw at eich addasrwydd ar gyfer y rôl, gan gyfeirio at y gofynion a geir ym manyleb y person. Amlinellwch eich profiad perthnasol a'ch gweledigaeth ar gyfer cyfrannu at lwyddiant Partneriaeth Actif Canolbarth y De.

Dylech e-bostio eich CV a'ch llythyr cais atom ni i hr@cobalt-hr.co.uk.

Defnyddiwch y llinell bwnc: "Cais Cyfarwyddwr Rheoli – **[Eich Enw Llawn]**."

Ymholiadau a Gwybodaeth Bellach

I gael rhagor o fanylion am y rôl neu i drafod eich cais, cysylltwch â Kerry Chown ar e-bost ar kerry@cobalt-hr.co.uk

Hysbysiad Preifatrwydd

Drwy gyflwyno eich cais, rydych yn cytuno i Cobalt HR brosesu eich data personol at ddibenion recriwtio.

Rydyn ni wedi ymrwmo i gydnabod pob cais ac edrychwn ymlaen at ystyried eich cais chi. Diolch i chi am eich diddordeb mewn cyfrannu at lwyddiant Partneriaeth Actif Canolbarth y De. Pob hwyl i chi gyda'ch cais!